

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Аңса, жаным

ЖАРИЯЛАНДЫ
22.01.2023ТІРЕК СӨЗДЕР
Мұқағали МақатаевСІЛТЕМЕ
https://bilimger.kz/129601/

АҢСА, ЖАНЫМ

Мен тілейін.

Жарқыным, сен де тіле:

Жақсылық орнасын де жер бетіне.

Аққу тіле айдынның келбетіне,

Айдын тіле аққуды тербетуге.

Мен аңсаймын.

Сен-дағы аңса жаным:

Жақсыдан жайлап ескен жан самалын.

Аңса, жаным,

Зарығып, шарша, жаным,

Қалса да қанша ғұмыр, қанша амалың.

Аңса, жаным!

Мен сағынам.

Сен-дағы сағын жаным,

Адамнан тек жақсылық табылғанын,

Ашусыз, ала көзсіз бауырлардың,

Аңсаймын алқам-салқам қауымдарын.

Көңілім болса-дағы қанша жарым,

Солармен білінбейді шаршағаным.

Жақсыдан жайлап ескен жан-самалын,

Жабықпай аңса жаным,

Аңса, жаным!..

Мұқағали Мақатаев

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.